

Strategaethau Presenoldeb, Prydlondeb ac

Ymddygiad.

Mae ymddygiad a phresenoldeb cadarnhaol yn sylfeini hanfodol ar gyfer creu amgylchedd dysgu ac addysgu creadigol ac effeithiol lle gall pob aelod o gymuned yr ysgol ffynnu, cael eu parchu a theimlo'n ddiogel. Mae polisi a weithredir yn dda yn ffactor pwysig ar gyfer ennill hyder disgyblion a rhieni mewn ysgol a denu a chadw staff brwdfrydig o ansawdd da.

Rhoddir pwyslais ar bresenoldeb rheolaidd er mwyn sicrhau fod y disgybl yn derbyn addysg briodol ac yn cael y budd mwyaf o'r cyfleoedd addysgol a gynigir. Cyfrifoldeb yr ysgol a'r ysgol yn unig yw awdurdodi a chategoreiddio absenoldebau. Os rhoddwyd cymeradwyaeth ymlaen llaw neu os derbyniwyd esboniad boddhaol gan y rhiant, diffinir yr absenoldeb yn un awdurdodedig.

Fel arall absenoldeb anawdurdodedig yw.

O safbwynt perfformiad academiaidd y disgyblion rheiny sy'n absennol, mae ymchwil yn profi fod cydberthynas clos rhwng presenoldeb gwael a chanlyniadau academiaidd.

Wrth gynnal Arolygiadau mae ESTYN yn ystyried presenoldeb is na 90% yn fater o bryder.

Caniateir dileu enw disgybl ar gofrestr derbyniadau dan yr amgylchiadau canlynol :-

- . Pan fo gorchymyn mynychu ysgol sy'n enwi'r ysgol wedi ei newid neu ei ddiddymu.
- . Pan fo'r disgybl wedi ei gofrestru mewn ysgol arall.
- . Pan fo'r disgybl wedi peidio mynychu a'r rhieni wedi bodloni'r Awdurdod Addysg bod y trefniadau a wneir ganddynt yn briodol.
- . Pan fo'r disgybl wedi symud cartref ac y byddai parhau i fynychu'r ysgol dan sylw yn afresymol.
- . Pan fo'r disgybl heb ddychwelyd i'r ysgol o fewn 10 diwrnod wedi derbyn caniatâd i fod yn absennol i bwrpas gwyliau teulu.
- . Pan fo Swyddog Meddygol Ysgolion wedi cadarnhau fod iechyd y disgybl yn golygu ei fod yn annhebygol o allu cael budd o fynychu cyn cyrraedd oedran ymadael ar ysgol.
- . Yn dilyn methiant rhesymol i ddarganfod y disgybl wedi iddo fod yn absennol am gyfnod di-dor o ddim llai na 4 wythnos.
- . Pan fo'r disgybl wedi marw.
- . Pan fo'r disgybl wedi mynd tu draw i'r oed gorfodol ysgol ac yn bwriadu peidio mynychu'r ysgol.
- . Pan fo'r disgybl wedi ei wahardd yn barhaol a phrosesau apêl wedi eu dihysbyddu.
- . Pan fo disgybl a dderbyniodd addysg feithirn heb drosglwyddo i ddsbarth derbyn.

Nid oes gan rieni hawl i dynnu eu plant o`r ysgol i bwrpas gwyliau teulu a rhaid iddynt ofyn am ganiatâd yn unol â`r trefniadau a fabwysiadwyd gan Gorff Llywodraethol Ysgol Nefyn. * 10 diwrnod y flwyddyn ar y mwyaf*

Dim ond o dan amgylchiadau eithriadol y caniateir absenoldeb am gyfnod o gyfanswm o fwy na 10 diwrnod mewn blwyddyn.

OND rhoddwn ystyriaeth unigol i bob cais oddi mewn i`r meini prawf canlynol :-

- . Yr amser o`r flwyddyn
- . Hyd y gwyliau
- . Pwrpas y gwyliau
- . Effaith ar ddilyniant addysgol
- . Amodau`r teulu
- . Presenoldeb cyffredinol y plentyn

Gall cyfnodau hir o wyliau effeithio`n andwyol ar gyrhaeddiad y disgybl.

Byddwn yn annog y disgyblion i gyflawni gweithgareddau addysgol tra byddant i ffwrdd ac i adrodd ynghylch eu profiadau ar ôl dychwelyd.

Oni bai bo`r rhieni`n cydymffurfio â threfniadau`r Corff Llywodraethol bydd yr absenoldeb yn un anawdurdodedig.

Cyfrifoldeb y Gwasaneth Lles Addysg yw monitro presenoldeb disgyblion.

Bydd y Gwasanaeth yn gweithio`n agos â theuluoedd ac ysgolion mewn ymgais i wella patrymau presenoldeb heb orfod troi at y gyfraith.

Bydd y Swyddog Lles yn :-

- . Annog rhieni i ymweld â`r ysgol er mwyn trafod unrhyw bryder.
- . Cynnig cyngor a chefnogaeth mewn perthynas â sawl mater sy`n gysylltiedig ag addysg.
- . Cynghori rhieni ynghlŷn â dyletswyddau cyfreithiol.
- . Ceisio pontio rhwng yr ysgol a`r cartref.
- . Dehongli gwahanol sefyllfaoedd ac anghenion ar ran ysgolion a`r Awdurdod.

MEWN ACHOSION LLE NA CHAFWYD LLWYDDIANT TRWY DEG BYDD Y GWASANAETH LLES YN DOD Â`R PLENTYN GERBRON Y LLYS TEULU GYDA GOLWG AR WNEUD CAIS AM ORCHYMYN GORUCHWYLIAETH ADDYSGOL

Byddwn yn dilyn camau `Y Cefndir Cyfreithiol - `Cynnwys a Chynorthwyo Disgyblion`

Ystyrir erlyn rhieni pan fo presenoldeb disgybl wedi syrthio islaw 70% dros gyfnod o ddau dymor.

Cyn erlyn byddwn yn dilyn y camu canlynol :-

- . Gweithredu ystod eang o strategaethau ataliol ar lefel ysgol a thrwy'r Gwasaneth Lles Addysg.
- . Cynnal Cyfarfod Strategaeth.
- . Asesu cyfrifoldeb y rhieni am yr absenoldeb.
- . Rhoi rhybudd terfynol i'r rhieni.
- . Ystyried priodoldeb gwneud cais i Lys Ynadon am Orchymyn Goruchwyliaeth Addysg.

Gwneir y penderfyniad i erlyn ai peidio gan y Swyddog Lles Addysg mewn ymgynghoriad â Chyfreithiwr y Sir.

Byddwn yn gweithio gyda rhieni a disgyblion i hybu presenoldeb cyn cymryd unrhyw gam at erlyn.

Ein nôd yn Ysgol Nefyn

Bydd plant Ysgol Nefyn yn cyrraedd yr ysgol erbyn 8:50 y bore fel fod y gwersi'n cychwyn am 9:00.

Mae presenoldeb disgyblion yn un o brif flaenoriaethau'r ysgol.

Enwebwyd aelodau o'r Uwch Dim Rheoli i fod yn gyfrifol am reoli a monitro materion sy'n ymwneud â phresenoldeb – Y Pennaeth a'r Dirprwy Bennaeth.

Rydym yn meddu ar bolisi pendant ac uchelgeisiol o safbwynt presenoldeb.

Gosodir targed ar gyfer pob blwyddyn ysgol yn unigol. Ein targed eleni yw ____% Manteisiwn ar systemau electroneg o gofrestru'r disgyblion.

Byddwn yn monitro a chyhoeddi ystradegau presenoldeb o fewn yr ysgol ar ddiwedd pob mis.

Ein nôd yw arddangos lefelau presenoldeb yn fisol mewn man sy'n agored i ddisgyblion a staff. (yn y cyntedd / neuadd)

Mae'r plentyn yn hwyr os yw'n cyrraedd yr ysgol ar ôl 9:00 y bore a bydd yn cael ei farcio'n hwyr ar y cofrestr.

Byddwn yn cadw cofnod o'r disgyblion sy'n cyrraedd ar ôl 9:00 y bore mewn llawlyfr gan nad yw hyn yn dderbyniol heb reswm digonol.

Byddwn yn pwysleisio cyswllt rhwng absenoldeb a chyrhaeddiad gostynol mewn trafodaethau â'r disgybl neu'r rhieni / disgybl a'r rhieni.

Byddwn yn cyflwyno system o ddathlu a gwobrwyo presenoldeb da unigolion a grwpiau blwyddyn (100%). Yn yr un modd byddwn yn dathlu a gwobrwyo patrwm presenoldeb a wellodd yn ystod y flwyddyn. (Tystysgrifau ac Amser Aur ychwanegol ar bnawn Gwener).

Byddwn yn disgwyl i rieni plant sy'n absennol ffonio'r ysgol cyn 8:45 y bore gydag eglurhâd ac anfon llythyr gyda'r plentyn pan fydd yn dychwelyd i'r ysgol fel fod cofnod ysgrifenendig yn yr ysgol.

Os na fyddwn wedi derbyn eglurhâd cyn diwedd y dydd yna byddwn yn cysylltu â chartref y plentyn i holi am yr absenoldeb.

Anelwn at leihau'r nifer o ddiwrnodau a gollir oherwydd gwylaiu teulu'n ystod tymor ysgol.

Byddwn yn cofrestru presenoldeb plant ddwywaith y diwrnod – ar ddechrau sesiwn y bore ac unwaith yn ystod sesiwn y prynhawn. Rhaid i'r gofrestr ddangos a yw'r absenoldeb wedi ei awdurdodi gan yr ysgol neu'n absenoldeb heb awdurdod.

Cedwir rhestr o enwau'r plant a fu'n absennol ymhob dosbarth yn ofalus gyda rheswm am yr absenoldeb wedi ei nodi ar y daflen.

Camau gweithredu Ysgol Nefyn pan gyfyd problem

Gweithio'n agos â'r rhiant.

Trafod absenoldeb heb awdurdod yn gynnar rhwng y disgybl a'r athro sy'n gyfrifol am ei gofrestru.

Cyfarfodydd rhwng yr ysgol, y rhieni a'r disgybl i ddarganfod y rhesymau am yr absenoldeb heb awdurdod.

Ystyried a allai problemau presenoldeb fod yn gysylltiedig ag angen addysgol arbennig sydd heb ei adnabod ac, fel bo'n briodol, darparu cymorth ychwanegol drwy gyfrwng Gweithredu gan yr Ysgol a Gweithredu gan yr Ysgol a Mwy. Neu drwy wneud cais am asesiad statudol.

Cyfarfodydd gyda rhieni i drafod strategaethau yn yr ysgol ac yn y cartref sy'n hybu mynychu'r ysgol yn rheolaidd.

Defnyddio dulliau o annog / gwobrwyo presenoldeb da neu breseboldeb sy'n gwella.

Defnyddio dulliau sy'n gweithio yn erbyn absenoldeb 9hynny yw, cadw cofnod ynghylch y disgybl, llythyrau at rieni)

Cynghori yn yr ysgol.

Ni fyddwn yn gwahardd disgyblion o'r ysgol onibai fod y sefyllfa'n pery i hynny fod yn anorfod.

Mae colli'r cyfnod cofrestru oherwydd apwyntiad meddygol neu ddeintyddol yn absenoldeb awdurdodedig.

Rydym yn annog y disgyblion a'r rhieni i wneud apwyntiadau y tu allan i oriau ysgol os yn bosibl

Os bydd disgybl yn bresennol yn ystod y cyfnod cofrestru ond fod ganddo apwyntiad meddygol yn nes ymlaen neu os y bydd yn mynd adref oherwydd salwch ni fydd angen cofnodi absenoldeb ar gyfer y sesiwn honno.

Rydym yn cadw cofnod manwl o'r plant sy'n gadael y safle yn ystod y dydd oherwydd salwch gan ryddhau plant sy'n wirioneddol sâl yn unig.

Ni fydd unrhyw athro . athrawes yn rhyddhau plentyn o'r ysgol heb ganiatâd y Pennaeth / Dirprwy Bennaeth.

Y Pennaeth / Dirprwy Bennaeth / Uwch Gymhorthydd fydd yn cysylltu â'r cartref os yw hynny'n bosibl.

Gan fod presenoldeb yn fater o gonsyrn inni'n Ysgol Nefyn erfyniwn arnoch fel rhieni i'n helpu drwy anfon eich plentyn i'r ysgol onibai fod rheswm am yr absenoldeb – e.e gwaeledd, ymweliad â'r ysbyty. Diolch